

〔三代實錄光孝〕仁和三年八月廿日辛酉自卯及酉大風雨拔樹發屋東西京中居人廬舍顛倒甚多被壓死者衆矣內膳司檜皮葺屋顛仆采女一人宿其中邂逅免害時人奇之

〔扶桑略記醍醐〕延喜十三年八月朔日大風拔木發屋五日甲戌依仁壽二年閏八月十二日例計遇害者凡一千五百十七烟賜物有差

〔貞信公記〕延喜十三年八月一日大風猛烈公私屋舍多顛倒二日今日有勅遣使左右京令檢被損風害爲賑給九月九日宿職依有風損停止節事但侍從以上口菊酒如例今日以前豫申損田廿國不堪佃田廿四國

〔日本紀略醍醐〕延喜十三年十一月七日乙巳大風猛烈左馬寮顛倒人死

〔日本紀略朱雀〕天慶七年九月二日辛未夜大風暴雨諸司官舍京中廬舍顛倒不可勝計信濃守從五位下紀朝臣文幹爲舍被打壓卒去

〔日本紀略村上〕天曆元年七月四日丁亥今夜大風猛烈京中廬舍或顛倒或破壞就中宮內省南門大藏省後廳掃部寮西屋左馬寮造酒司南門典藥寮東檜皮葺屋等顛倒又河水漲溢

〔貞信公記〕天曆二年六月七日二見云々朱雀院南池中見如龍頭物大膳醫院屋風吹倒打殺屬野中安世七月廿七日夜大風雨屋舍多顛倒死人有數云々廿八日分遣諸衛官人於諸司令實檢風損官舍

〔日本紀略村上〕天德元年十二月廿日壬申今夜疾風暴雨發屋折木古今未聞之事也

應和二年八月卅日乙卯今日大風雨大和近江等國官舍及神社佛寺損壞東大寺扉三間力士大門等興福寺維摩堂一字幢一基新藥師寺七佛藥師堂一字并數字雜舍西大寺食堂一字調寺講堂一字及自餘諸寺并人宅等多以顛倒京中無殊愁

〔日本紀略冷泉〕安和二年七月廿二日丁卯今夜大風暴雨發屋折木廿三日戊辰風猶不止厨家南